



# ԵՐԵՎԱՆԻ ՔԱՂԱՔԱՊԵՏԱՐԱՆ

ՀՀ, 0015, ք. Երևան, Արգիշտիի 1,

№ 17/24/380-23

« \_\_\_\_\_ » \_\_\_\_\_ 2023թ.

**«EcoNews.am» ԲՆԱՊԱՀՊԱՆԱԿԱՆ ՏԵՂԵԿԱՏՎԱԿԱՆ  
ԿԱՅՔԻ ԽՆԲԱԳԻՐ ՄԱՐԻԱՄ ՏԱՇՅԱՆԻՆ**  
(Էլ. փոստ՝ mariam199107@gmail.com)

## **Հարգելի՛ տիկին Տաշյան,**

Ի պատասխան Ձեր՝ 25.12.2023թ. Երևանի քաղաքապետարան առցանց ուղղած հ. Դ-161798-23 հարցմանը, տեղեկացնում եմ, որ համաձայն 28.12.2023թ. «Երևանի կենդանաբանական այգի» ՀՈԱԿ-ի հ. եկ-123-2023 գրության՝ Երևանի կենդանաբանական այգում խնամվող 14 գործ արջերի և 12 սպիտակաագլուխ անգղերի արտահանումը կատարվել է Երևանի քաղաքապետարանի թույլտվությամբ, ՀՀ շրջակա միջավայրի նախարարության գիտությամբ և ԵԿԱ կառավարման խորհրդի համաձայնությամբ: Կազմակերպության 2022թ. հաշվետվություններում հստակ նշված է առանց ծագման փաստաթղթերի, անհայտ հիմնավորումներով, անժամկետ խնամվող գորշ արջերի խնդիրը: ԵԿԱ արխիվում բացակայում են կենդանիների այգում տեղակայվելու և տարիներ շարունակ այգու բյուջեի հաշվին պահվելու իրավական հիմքերը, համապատասխան փաստաթղթերն ու որոշումները:

ԵԿԱ կառավարման խորհուրդը մշտապես տեղյակ է եղել արկա խնդրին, մասնակցել և մասնագիտական խորհրդատվություն է իրականացրել այգու հավաքածուի կազմման, վարման և մարտավարական զարգացման գործընթացում: Այգում առանց օրինական հիմքերի պահվող արջերի «Greens Zoological, Rescue & Rehabilitation Center» (Հնդկաստան) տեղափոխման որջ գործընթացն իրականացվել է ԵԿԱ կառավարման խորհրդի գիտությամբ և մասնագիտական վերահսկողության ներքո: Նախագիծն առաջին անգամ ներկայացվել է 2022թ. տարեկան հաշվետվության ներկայացման ժամանակ, հետագայում քննարկվել է նիստերի ժամանակ:

«Ֆաունա Հու» ՍՊԸ-ն արջերի և սպիտակաագլուխ անգղերի «Greens Zoological, Rescue & Rehabilitation Center» տեղափոխման հետ առնչություն չունի: Միակ առնչությունը կայանում է նրանում, որ տարբեր տարիների, ՀՀ տարբեր վայրերից փրկված և կենդանաբանական այգում խնամվող արջերից երեքը այգուն նվիրաբերվել է «Ֆաունա Հու» ՍՊԸ-ի կողմից:

Կենդանիներն արտահանվել են «Greens Zoological, Rescue & Rehabilitation Center» (Հնդկաստան) համաձայն պայմանագրի, որի կնքելուն նախորդել է հիշյալ կենտրոնի ֆինանսա-տնտեսական և գիտական հնարավորությունների պարզաբանումը, իսկ կենդանիների պատշաճ խնամքի պարտավորությունը հստակ գրանցված է կնքված պայմանագրում: Կենդանիների մասին տվյալները պարբերաբար տրամադրվել են կենդանաբանական այգուն:

Կենդանիների տեղափոխման բանակցությունների ողջ ընթացքը ժամանակին և սահմանված կարգով տրամադրվել է Երևանի քաղաքապետարանին, Երևան քաղաքի ավագանուն և ՀՀ շրջակա միջավայրի նախարարությանը:


Գորշ արջերի, ինչպես նաև սպիտակագլուխ անգղերի նույնականացման տվյալները (ID) գրանցված են SITES արտոնագրերում, ինչպես պահանջում է արտոնագրերի տրամադրման միջազգային կանոնակարգը: SITES արտոնագրերի պատճենները կարող են տրամադրվել ՀՀ շրջակա միջավայրի նախարարության կողմից:

Կենդանաբանական այգում իրականացված անկախ գույքագրման արդյունքները վկայում են, որ այգուն (Երևան քաղաքի համայնքին) պատկանող, գույքային համարներ ունեցող 4 գորշ արջերը գտնվում են այգում:

Առդիր՝ 9 նիշք:

**ՀԱՐԳԱՆՔՈՎ՝**

**ԲՆԱՊԱՀՊԱՆՈՒԹՅԱՆ ՎԱՐՉՈՒԹՅԱՆ  
ՊԵՏԻ ՏԵՂԱԿԱԼ,  
ՊԵՏԻ ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ՝**



**ԳՈՐԻԿ ԱՎԵՏԻՍՅԱՆ**

Կատարող՝ Է. Արամյան  
Բնապահպանության վարչություն  
Հեռ.՝ (011)514-263